



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**De Avtonomia. Das ist von Freystellung mehrerley  
Religion vn[d] Glauben/ Was vnnd wie mancherley die  
sey/ Was auch derhalben biß daher im Reich Teutscher  
Nation fürgangen/ vnd ob dieselbig von der ...**

**Erstenberger, Andreas**

**München, 1593**

**VD16 E 3873**

Cap. XXXI. Das sich die Freysteller mit geduldung der Juden nit beschönen  
mögen.

**urn:nbn:de:hbz:466:1-33643**

Catholischen Kirchen/ zum wenigsten Schismatisch sey/ vnd die  
jenigen Vnderthonen/ welche sich dazu begeben/ von ihren Ob-  
rigkeiten abgewiesen werden sollen.

Item wann auch sonst nichts wäre/ daher man die Frey-  
steller der Ketzerey vberzeugen könde/ so solt allein diß gnug seyn/  
vnd sie verathen/ daß alle solche neue Religions Verwandren  
nimmehr weiter nit leyden könden oder wöllen/ daß man die Ke-  
zer straffen/ sonder einen jeden/ was ihme gefelle/ glauben lassen  
soll/ da doch vil derselben zuvor die Widertauffer/ vnd Sacra-  
mentirer/ vnd Schwentckfelder/ welche sich eben so wol des E-  
uangelij vnd rechten Glaubens gerühmet/ öffentlich verdammen  
vnd verfolgen heissen/ vnd kein vrsach diuersitatis verhanden/  
warumb dieselben nit eben so wol als sie die Freysteller  
des gemainen fridens sollen thailhafftig  
vnd vnuertrieben sein.

## Daß sich die Freystel- ler mit Gedultung der Jüden nit beschöuen mögen.

### Das ain vnd Dreissigste Capittel.

**N**och einen Behelff haben die Freystel-  
ler neben den vorigen/ den sie von Jüden/ Mo- Jüden waruff  
ren vnd Saracenen hernemen/ vnd vermai- vnd den Chri-  
nen weil man dieselben hin vnd wider bey den sten etwas ge-  
Catholischen (doch nicht von allen tolerire) vnd duider werden  
frey wohnen lassen/ so sie doch wissentliche Feind  
der Christlichen Religion seind/ so seye ganz vnbillich/ daß man  
ihre Glaubensgenossen nit auch passiren/ vnd zum wenigsten  
das Recht so den Jüden vergönnet/ widerfahren lassen wölle/  
Das  
BBBbb iij



Das sie sich um duffals den Jüden vergleichen/ das laß man sie sagen/ den Catholischen lieb mans gwis nit gut sein/ wie es davor an sich selbst gar ein böse gleichnuß vnd Argumentum claudicans ist. Es mag aber auch sonsten auß nachfolgenden vrsachen gar nicht passiren.

Erstlich wissen die Freysteller selbst/ daß Jüden vnd Herten Freysteller Könn den sich mit den Jüden nit getaufft seind/ noch den Christlichen Glauben jemals erkande noch angenommen haben/ sonder seind foris außserhalb der Kirch de quibus non iudicat Ecclesia, sed Deus, Welche die Kirch weder zum Glauben noch zum Gehorsam des Glaubens zwinget die Keher vnd Schismatici aber seind Christen/ seind gläubig/ vnd zum Gehorsam des Glaubens verbunden/ seind auch vor ihrer Absonderung im Schaaßstal Christi gewesen/ welche die Kirch als irrende Schaaß zusuchen/ vnd wie sie kan wider herzu zubringen schuldig ist. Da sie aber in ihren Irthumben halffarig fortfahren/ vnd auß Schaaßen reißende Wölff werden/ so gebürt der Obrigkeit dieselbe durch ordentliche Mittel vnd Wege so vil möglich/ wider herzu bringen/ oder doch zu folgen

Zum andern/ so hat sich die Christlich Kirch in Glaubenssachen sonit nit von den Jüden vnd Herten zubefahren/ als von Kehern/ sintemal ihre Irreligion vnd Irthumben/ ihre verblendung vñ aberglauben menunglich dermassen belandt verhoffet vnd abscheulich sein/ daß keiner so nährisch/ der sich von ihnen verführen ließe/ wie sie es auch nit vnderstehen/ noch dazu mit predigen vñ Bücher schreiben anmige gelegenheit suchen/ sonder sich an frem selbst eignen Irthumben benügen lassen/ & suo canum non aliorum errant periculo. Die Keher vnd Schismatici aber vñ irre frige vnd atgenwillische Christen/ die hörē nit auff/ sie Irthumben sinner fortzupflanzen/ dieselben heimlich vnd öffentlich mit Lehren vñ lehren jederman einzureden/ vñ also vnder der gestalt des guten vnd Gottseligkeit penetrantes domos vil zuverführen vñ an sich zubenden/ vnd also die ganze harte Christi mit gleicher Xauden vnd Aufblas/ damit sie bestöcke vnd verirrunt seind/ nit anders wie der Krebs vñ sich frist/ zubeschmannen. Derwegen daß jrer nit nichten zuverschonen/ noch ihnen also zuzusehen sein will wie mit

Freysteller Könn den sich mit den Jüden nit getaufft seind/ noch den Christlichen Glauben jemals erkande noch angenommen haben/ sonder seind foris außserhalb der Kirch de quibus non iudicat Ecclesia, sed Deus, Welche die Kirch weder zum Glauben noch zum Gehorsam des Glaubens zwinget die Keher vnd Schismatici aber seind Christen/ seind gläubig/ vnd zum Gehorsam des Glaubens verbunden/ seind auch vor ihrer Absonderung im Schaaßstal Christi gewesen/ welche die Kirch als irrende Schaaß zusuchen/ vnd wie sie kan wider herzu zubringen schuldig ist. Da sie aber in ihren Irthumben halffarig fortfahren/ vnd auß Schaaßen reißende Wölff werden/ so gebürt der Obrigkeit dieselbe durch ordentliche Mittel vnd Wege so vil möglich/ wider herzu bringen/ oder doch zu folgen

1. Cor. 5.

2. Timot. 2.



wie mit den Jüden vnd vnglaubigen beschicht/ wiewol auch dies selbigen/ wo sie sich dergleichen freuels/ verkehrung vnd lästerung der Catholischen Kirchen/ wie die thun/ vnderstünden/ zweiffels ohne ungestraffet vnd außgeschafft nit bleiben würden/ ic.

Zum dritten/ ist auch diese vngleichheit zwischen den Jüden vnd Kehern/ das die Jüden wie Paulus sagt/ das Volck Gottes (quorum adoptio est filiorum, & gloria, & Testamentum & Legislatio, & obsequium & promissio, quorum patres, ex quibus est Christus secundum carnem) vnd dennoch in der Kirchen Gottes noch etwas nutz seyen. Dieweil wir von ihnen die Prophetischen Schrifften des alten Testaments/ vnd also die gewisheit unsers Glaubens an den versprochenen Messiam haben/ Item seind vns Christen ein ewiger Spiegel vnd lebendig allezeit vor augen schreibende Exempel vnd Besspills/ dabey wir die forcht Gottes beständigkeit/ vnd danckbarkeit gegen ihme lernen/ vnd vns hergegen vor vndanckbarkeit hüten sollen/ Ne & excindamur, damit wir nit auch in dergleichen grewliche vnd erschrockliche Straff Gottes mißrathen. Die Keher aber außserlo/ das sie die Kirch exerciren, vnd die Catholische rechtglaubige verim vnd tribulim/ seind in der Kirchen das wenigist nit nutz/ sonder lönden nit anders als mit ihrer Lehr vnd Exempel die Christen ärgern/ verführen/ zerreissen/ verderben vnd würgen/ Lupi enim non veniunt nisi ve mactent & perdant, Dann die Wölff kommen anderer gestalt nit/ dann das sie todten/ vmbbringen/ vnd schaden thun.

Joh. 18.

Die vierdt vngleichheit ist inn diesem der Freysteller argumento a latini, das von den Jüden lauter Prophecey ist/ das sie nicht alle sollen erodtet noch vertrieben werden/ Sonder sie sollen ihnen zu schmach/ vnd den Christen zu einem Exempel also vmbgehen/ wie die Schaaff ohne Hitten/ oder wie der Psalmist sagt: Fames patientur ve Canet, & circuibunt ciuitatem, sedoch aber noch leiglich ad vesperam belehret werden/ also das solcher Prophecey vnd ihrer verhofften Belehrung halben sie vnder den Christen bissher geduldet worden.

Psalm. 53.  
Ez. 10.

Von den Kehern aber seind inn beyden Testamenten außdrück



Das zeh und dreyßigste Capittel des dritten Theils/  
austrücklich beuelich (so oben angezaigt worden) verhanden/ daß  
man dieselben von der Hård vnd Schaaffstal Gottes abhalten/  
aufmustern/ vnd hinweg thun/ vnd sich jederman vor ihnen hüten  
soll/ sintemal von ihnen nichts guts kommet/ vnd bey ihnen  
von wegen ihres Stols/ eigensinnigkeit vnd verstockung kein bekehrung  
oder bekehrung zu warten/ vnd villeichter ein Jüd oder  
Nayd/ dann ein Keger zubekehren ist.

Zum fünfften werden die Jüden vnd Nayden sonderet  
hin vnd wider vnder den Christen noch wohnen vnd geduldet/  
fast anders nichts als für leibigen Knechte vnd Schläuen gehalten/  
deren Leib/ Haab vnd Gut auch sie zubehalten oder gar hinweg  
zu fagen/ genzlich in der Christlichen Obrigkeit händen stehen.  
Die Keger aber nit also/ die wollen nit regirt noch vnderthan  
sein/ sonder selbst regirn/ vnd jederman ihnen vnderwerffen  
nit vertrieben sein/ sonder andere verreiben/ vnd in summa (wie  
der Luder vom Teuffel sagt) die herbrig allein haben/ vnd woin  
man sie nur ein wenig inn die Kirchen lästet/ alsbald gar auff den  
Altar sitzen.

Actor. 22.

Lezlich seyen die Jüden (wie die Rechts gelehrten wissen/  
vnd solches Paulus selbst bezeuget) ciues Romani, vnd sich pro  
tectione Romani Imperatoris, müssen auch im heiligen Reich  
Rechte geben vnd nehmen/ wie andere Vnderthanen. Die Ke  
ger seind aber vermoz derselben obangezogenem Recht von allen  
solchen priuilegijs genzlich außgeschlossen/ vnd mindert zuliegen  
befohlen.

Auf welchen sehemelten vnuernainlichen Ursachen vnd  
ungleichheiten/ so zwischen Toleracion vnd gedultung der Jüden  
vnd Keger seyen/ kan ein jeder auch ringuerständiger leichtlich  
sehen/ daß auch dieses der Freysteller Argument a simili, ostentis  
nimirum dissimilibus nit schließlich noch erheblich sein/ vnd des  
wegen die widerspennige/ eigenwillische Vnderthanen nit  
reuelirn möge.

So wenig als sie auch reuelirn kan/ was sie von der gleich  
nuß/ vom Unkraut/ Matth. 13. pflügen herfür zubringen/ das  
aus sie gleichfalls zwerzwingen vnderstehen/ ob solt man die jre  
gen



gen/das vnfraue reimblich / biß zur Ernd wachsen lassen vnd nit außreuten. Daß aber dieselbig gleichnuß disen verstand vund manning nicht habe/ das ist oben im andern Theil am End des 18. Capitelis dargethan worden.

Diweiß dann nun biß daher erweisen / daß vermög Götterlichis Worts altes vnd newen Testaments / nach der Lehr vund haltung der heiligen Apostel. Item vermög der Heiligen Canoz num vnd Concilien, Dann leslich auch der beschribenen Geistlichen vund Kayserlichen Weltlichen Rechten / die Catholischen Obrigkeit/sie sein Geistlich oder Weltlich / nit allein nit schuldig seind ire vnderthonen/Welche den Catholischen Römischen Glauben verlassen/vnd sich zu der Augspurgischen oder einer andern newen Confession begeben/halßstärriß dabey verharren/vñ sich nicht weyßen lassen wöllen / zgedulden / sonder daß sie vil mehr bey verlust irer ämpter/ vnd so gar auch irer Seelenfeligkeit verpflichtet seind/solche widerspennige vnderthonen / als von wegen ihrer fürselichen absonderung vnd vund vngheorsambos rechte Schismaticos, von wegen ihrer halßstärrißkeit aber auch Kezer/auf iren Kirchen/Landen vnd Gebieten abzuschaffen vnd zustraffen.

So folget darauß vnwidersprechlich/daß sie hierinn nicht wider Recht oder zu scharpff/sonder vilmehr demselben/ vnd iren von Gott beuohlenen Ampten gemäß handeln / vund derwegen von den Freystellern solcher außschaffung halben vngütlich/sa auch vnnötiger vnd oberflüssigen weiß beschuldige werden.

¶¶¶

Daß